

亢  
藝  
堂  
詩  
集  
草  
庵  
鈔  
集







叢書集成  
初編

主編者  
王雲五

商務印書館發行

編主五雲王

編初成集書叢

種一他其及集堂藝亢

中華民國二十六年六月初版

發行人

王雲五  
上海河南路

印刷所

商務印書館  
上海河南路

發行所

商務印書館  
上海及各埠

本館據滂喜齋叢  
書本排印初編各  
叢書僅有此本

# 亢藝堂集卷一

清 會稽孫廷璋蓮士著

## 古今體詩

### 題畫

大好鄉光入畫圖。水花風葉鏡湖居。滿庭桐桂茶初熟。自課兒童讀道書。

### 長安秋興寄伯兄二首

一枕西風夢不成。鄉心橫似亂雲生。天涯總爲傷貧賤。陌路誰堪託死生。小院夜闌聞落葉。破窗涼緊逼長檠。自憐作客曾非慣。淒絕中宵絡緯聲。

客路艱難始見真。滿階風露但傷神。庾郎棲託同鷓羽。蘇季音書仗雁賓。潦倒功名成氣短。飄零骨肉爲家貧。秋煙西望三秦樹。應共慚爲負米身。時伯兄宰秦之山陽山縣瘠苦未能迎養

### 出都後道中述懷

風雪關河一敝裘。吾生今日信行休。嗚鷓淡月商量夢。瘖馬酸風整頓愁。老去祇應看射虎。年來多已媿盟鷗。蚤知搖落今如此。悔別青山事遠遊。

### 曉行書所見

殘夢扶頭酒半消。一重霜氣溼簾腰。堠亭戍卒低吹火。野樹山僧早掛瓢。衰柳河橋猶有月。荒蘆邨港不能潮。鳳城回首鷓鴣侶。政合熏香賦早朝。

松濤

天風北來不到地。噴薄蒼龍作秋意。直疑倒海洗碧雲。中有江婁恣遊戲。是時密翠屯晝陰。肅然萬景天爲沈。須臾荇藻亂空際。可以橫卷湘江潯。或當跂脚臥夜館。風水霓裳夢久斷。忽漫寒漪醒毛髮。此身未覺江海遠。我欲因之訪成連。一氣湊泊三山前。舉頭風定涼月墮。依舊石上胎禽眠。古來幾人真解此。山中宏景亦老死。卻誰翻入瑤琴端。笑殺北窗高臥士。

乙卯六月六日集小雲樓寄公房同周拜軒孝廉慶榮 叔雲太史星譽 李蕁客太常慈銘 家子九秀

才孩 次少陵宿贊公土室第二首韻

蒼然泝湖陰。到寺水亦靜。北風墮詩話。聊復亂松影。鑪熏藹清微。趣與名理永。冰簟泛遠湘。雪銚煮寒井。商歌互間作。煙好無異秉。吾生坐寡能。夢落江海迴。豈不慕攬轡。笑人懼清穎。竭來遠公社。初喜不吾屏。攜尊竟蕭晨。冉冉月生嶺。溼雲渡水來。涼透鷺絲頂。

擬李長吉美人梳頭歌同叔雲蕁客子九作

冰帳瀟雲香拂曙。紫鳳驚寒隔煙語。紅蕤夢墮梨花春。殘黛茸茸漬煙雨。縷金袖窄春鸞迴。迷離僊影臨瑤臺。嬾雲積處凝塵怯。照影初驚素波狹。軟匣銀鏡一再行。翠鬢亂與春愁縈。玉梁壓霧香帖妥。寶釵徐

試春風聲掩霜秋心渺何許接花媚影慵無主燕脂艷絕堪奈何不惜金鈿爲君舞

秋暮讀尊客邨居雜感詩輒賦四章

萬里秋笳暮。西風接地來。壯心空灑落。殺氣尙崔嵬。豪傑疑天意。江山笑將才。陸沈千古恨。蒼莽入新哀。誰聚神州鐵。憑將錯鑄成。邊才今屢借。豎子總無名。廢壘枯燐語。春田繡鏃明。九原公等在。何以謝蒼生。萬古風雲氣。低徊入蒨緜。此生渾未卜。與爾一悲秋。立馬河山盛。聞雞歲月遒。難忘棖觸處。何止誤恩讎。不盡中原感。創夷惜未遑。江湖驕敗卒。村里戒餘糧。江左思陶謝。朝端慕孔桑。天心真悔禍。事業政茫茫。

駝峰觀日出歌同尊客作

仙藥不來祖龍死。蓬萊一峰乃在此。此邦地僻接左藏。天策靈鼈屹然止。去天一握有絕頂。晦霧陰風起。其趾我來剛。值秋昊霽。極眼橫空九萬里。是時海門潮始落。海氣沈沈浸寥廓。倚天四顧心茫然。太白一星墮。芒角須臾紫。蓋排青空。若有閭闔生長風。想見六驪馭羲后。一氣奮迅開鴻濛。下如溫犀逼水室。上如雷劍騰星宮。始如元珠出罔象。俄如赤水銜燭龍。盡追元氣攝萬有。雪物浩浩從之東。乾坤清穆有此景。唐虞揖讓將毋同。我生不逢堯舜禪。鬱鬱萬古摧心胸。天假絕境憑倦目。頓覺俯仰猶爲雄。人生百年但未盡。安必運會無遭逢。爾來有賊在海內。不日天討昭成功。大明開堂受朝賀。天子謙讓慙眇躬。羣臣固請藏玉牒。上追七二垂無窮。旣登泰山上日觀。云亭梁父皆升中。東巡次第至吳會。臣請此山宜當封。雨夜懷寄雲上人芝社同尊客得雨字



寒意赴暝色。凍澀琴上語。虛帷黯春星。亂沙響疏雨。西窗耿危夕。清籟香共煮。蕭寥百年心。新警生仰俛。何當就元賞。同飲晦堂乳。

擬陶徵君田居同叔雲蓴客素人季貺作

暄風暖平疇。嘉穎萋已縈。負未及茲辰。生事良可昂。翳翳榆柳間。植杖紛遠矚。積景修造晚。墟煙眷歸犢。人生各有營。政爾求所欲。相期歲功茂。春醪亦既熟。偃息撫塵勞。黃農此焉足。

題畫

草衣家法傳宗女。粉墨飄零二百年。此派幾時傳浙水。眼中難讓許張先。

爲同年陳晝卿孝廉題其亡婦鏡香女史遺草

錦瑟生塵已十年。人間難覓掌書仙。絳河一去無消息。留下芙蓉密字篇。

南都螺子手親調。眉譜吟箋一樣嬌。才似令暉原不忝。此生合住鮑家橋。晝卿居植利門之鮑家橋。

蓬飛雙鬢看揚塵。寫韻年來未佐貧。翻羨碧城歸去早。不知世有斷腸春。

秋日雜感

酒酣忽不適。根觸登高臺。天門亦咫尺。浩浩秋風來。造化誰辦此。與世爲百哀。陰雲鬱萬里。殺氣何崔嵬。其下多戰死。白骨縈紫苔。自從鼎湖去。日積昆明灰。癰潰誰所養。誤國首庸才。桓桓郭尙父。騎箕竟不回。憂勤貽廟堂。未惜穀屨推。移軍或開府。詔書必親裁。授鉞爲上將。專閫無疑猜。征募遍諸道。算緡急於雷。

微勝張首級。殊錫出上台。傳言侍中貂。峨峨遍輿僮。至竟兒戲略。但聞堅城頽。今年棄湘漢。明年失江淮。朝聞兩河破。夕報三晉摧。齊魯千餘里。卷地無蒿萊。神京亦震蕩。中原何有哉。蒼生實何罪。浩蕩罹此裁。亡者日山積。血肉厭虎豺。存者能幾何。生意如枯荄。虛耗在閭里。國計必與偕。朝廷於赤子。如民保其孩。一旦不並活。爲計當析骸。元氣日淪喪。滔天方未涯。

雨中出城訪尊客則出游南湖諸寺矣次日東寄

春陰市地雨騎月。新漲拍天城。枕湖有時輕齋就。窮艇想見練帶懸。薇壺茶煙寺寺水。楊柳邨瀑崦崦山。鷓鴣題詩到處窮。屐齒吁嗟謝公今。豈無。

和友人無題

雲英最小掌中身。花裏交推第四春。

第四春見陳後山芍藥詩

人道孫孃惟善齠。誰知越女卻工瞋。阜紗自恨生難裹。

翠袖何曾昔已貧。玉鏡溫郎真自誤。鳩媒尙復咎何人。

不怨潘郎素鬢催。茫茫深意屬憐才。後堂願入扶風帳。前席欣邀卻月杯。雙鳳屨輕纔可點。九鸞釵重不勝攪。如何人似圓蟾麗。相見曾無十二回。

重門春黯隔花稠。相訪居然得上樓。繡架日長橫蠹簡。羅幃煙靜控鴛鉤。手按裙帶渾無語。眼送簾衣漸近愁。猶有去年癡絕事。坐闌寒夜看梳頭。

唱斷驪駒一曲歌。論心始各悔蹉跎。莫言今後難忘甚。已覺從前可感多。三絕暗憐癡顧愷。六時苦憶病

維摩狂生自合泥犂墮。欲懺情天柰爾何。  
向日心情道近愁。誰知幽緒逼春蠶。書來珍重終千萬。話到溫柔只二三。玉縱尙全售已誤。石如能望化還甘。傷心語語頭終讀。比勘都增薄倖慙。  
漫道青谿未有郎。眼看黃竹打成箱。預愁輪轉風中絮。不忍箏彈陌上桑。章女再生終恟悅。宓妃一意最徬徨。早知洛浦相逢左。不合當時少主張。  
腸轉車輪各自驚。心如棋局豈能平。人間便自無金屋。天上還曾有玉清。奔月君能輕匹耦。泛湖我願厭功名。癡心低祝雕陵鵠。莫管他生管此生。  
下階同指月纖纖。天畔猶嗟不易圓。相勸從今須散誕。自知無益愈纏綿。一生所悔將卿誤。九死難酬得汝憐。釋盡狐疑交甫意。尙防風語逗人前。  
難問高樓第幾重。此心空逐夜潮東。書期慎重翻多闊。夢怪模糊未必同。瘁羽分飛禽共命。愁絲自縛繭同功。錦鞵羅帕牢收定。一檢牀頭一懊儂。  
天上瑤姬是女孫。固應精彩化朝雲。瑤姬天帝女精彩化朝雲本太白詩春生陽朔逢初度。月比華年恰二分。虛羨衛娘兼五可。偶呼崔女作雙文。要知別後相思意。芍藥花開最憶君。  
依倚桃花阿母旁。當筵初見玉卮孃。娉婷名字真珠小。掠削身材錦瑟長。姑射仙人肌是雪。昭陽女弟體原香。儘能淺步沈香屑。恨少齊奴百琲償。

剛道心安卽是家。錦帆何意又天涯。君心松柏山中樹。本香山詩妾淚芙蓉水上花。本東野詩憐母今猶歌捉搦。惱公頻自撥琵琶。空持耆域因緣頌。禪榻茶煙送鬢華。

雜憶七絕句

珍亭蘭夜散笙歌。銀燭香塵一隊過。趨近畫羅團扇底。那時心上爲郎何。絲竹前廳淺醉歸。笑聲只隔一重帷。直教看過梳頭去。耐徹寒宵卻爲誰。雲駟迎到杜蘭香。筵底私分豆蔻湯。記得褰簾門外送。重來低約蜜梅黃。青粉牆西翠幙開。晚妝剛值下樓來。靈犀可惜遲猜透。不喚驚鴻首一回。背搔難饒一百鞭。何圖慳吝破神仙。一雙翦與檀奴去。知否儂心與指連。頗恃才能賦錦鞵。疏狂便敢乞爲椽。魂銷金縷南唐樣。不得親提剗鞵來。無端別恨值春殘。衆裏盈盈欲語難。一霎心情都莫定。纔回屏側又憑闌。

雲栖禪院留題二絕

丈室天花倚翠屏。定中之磬落秋冥。鬢絲舊感都除起。聽諷蓮華小品經。十載重參竹屋燈。戊申年中曾宿寺中棲閒心諾了無憑。明朝又踏江聲去。苦憶南廊打睡僧。

應辟赴五河軍中舟夜不寐作短歌一首卽題日記卷端

食其腐儒合遭罵。樊宏書生甯習兵。惘惘出門可憐色。茫茫對此無限情。西風滿江飄長纓。江水爾亦胡

不平歸來求得北府酒。醉汝一洗蛟龍腥。

從軍五河道經邗上食蟹有作

黃巾十載滿天地。江淮殺人血如洗。城頭日落胡笳酸。旋風如刀鬼爲厲。扁舟獨夜邗江濱。湖西賊退無兼旬。空溼蘆花泣。燐火斷陂菰。米沈寒雲。江鄉蕭條那可說。獨有霜螯賤如昔。老漁性命賊口餘。夜捕西風去。饗客書生身手劇可憐。豈能殺賊先諸賢。江頭十日風雨惡。孤征仗劍心茫然。左斫雙螯右持酒。臥看秋星大如斗。封侯萬里行焉求。一飽其餘復何有。將軍今夜鏖敵圍。擊鮮釀酒歡如雷。荒江無人霜月白。我與諸君遙舉杯。

昨夜惕息不得眠真覺從中來不可斷絕也占七律寫之

草草離亭酒一樽。布帆真已下吳門。裹頭痛飲孤兒淚。落魄羞蒙國士恩。戍堞雲黃驚旅雁。戰牆風黑拜江狔。十年重省扁舟路。家國蒼茫不忍論。

江行遇雨迷不得道泊荒港中

空灘響交蘆。遙天墮平楚。津亭不辨色。孤纜鎖江雨。勁寒肅精魂。頑黑警遙語。颯然枯炬燼。山鬼相爾汝。真宰變寥廓。萬象入慘沮。平生睡夢事。直用堅忍取。息倪還吾真。雲霧天亦曙。開門見白鷗。昨夜宿何許。

洋河道中寫懷

暢好清秋碧玉卮。蘇臺十日醉楊枝。卻拋銀甲彈箏夜。來逐黃皮縛袴兒。江上魚龍愁戰伐。山中猿鶴怨

奔馳封侯第一歸來早。莫到韋娘宛轉時。

### 申江感遇

巢痕難認十年前。今日登樓感仲宣。番市樓臺融蜃氣。妓場簾幙散龍涎。江潭獨夜吟山鬼。海島何時葬水仙。珠履此邦空佇想。春申古隧闕荒煙。

### 上督帥湘鄉相國師

我朝景運實奇勗。豈惟世德深涵濡。太祖太宗始締造。戎衣未及混八區。萬年神器歸世祖。時猶石紐聞啓呱。入關從此定鄆鄒。乾籙方盛遊鼎湖。聖祖膺圖並沖幼。海內新定危疑俱。庶頑煽亂禍實岌。一朝龜定真神謨。岐嶷相繼定垂創。二祖首出鴻荒無。嗣是累葉享清宴。厥或不靖隨討除。屬當先帝初祚日。乃有化宇遊饒綸。世習承平弛兵革。天苦生齒資芟鋤。遂令斧底假餘息。不惜寓內流毒痛。東南喋血數千里。封豕所觸無堅郛。先帝憂勤十一載。遺恨未遂吞三吳。天以多難啓後聖。詔書哀痛稱閔予。豈非靈穹有成格。眷命特與二祖符。卽今御宇未數月。氣象駿肅已自殊。首殛共鵬靖堯陛。下拜風牧凝軒圖。廟堂蒸蒸日向治。豈憂齊斧稽鯨魚。默推興運天久造。先五十載生鉅儒。恭維我師挺名世。忠孝文武資楷模。早膺特達在宣廟。舟楫已爲今皇儲。咸豐二年賊始橫。突出象桂馳潯梧。明年長驅破建業。遂以建瓴爲負嵎。公時銜恤在閩里。忠勁奮發雄萬夫。援江保鄂有成績。柳營紀律人難如。先帝晚年信愈篤。始假黃鉞頒彤弧。從來閩寄關社稷。老臣籌策誠宜紆。此寇披猖久盤固。翦葉未足摧根株。虓虎雖猛在善制。搃

吭何必憂其餘。賊今臂翼恃全皖。內蔽心腹旁張舒。不爭此道入鞭辟。控制在敵謀終疎。公既受詔默定策。視賊命脈加剔劄。力爭上流遂得勢。盡收旁郡如拉枯。比聞全師逼城下。且晚入穴殲厥渠。以次迎刃解吳越。著手無用紛追逋。譬如橫流絕觴濫。縱有膏溢皆潢汙。蠢然此輩難盡殺。導以隴畝爲委輸。公之南征事乃定。然後袞繡還上都。國家寇盜固爲害。猶人有疾纏肌膺。惟賴元氣善補救。疾且易失加充腴。所以調燮事尤大。其效以漸功以需。公且手定外亂訖。政應萬物當昭蘇。大廷枚卜信有主。成命潛與貞元孚。聞公昔年位卿貳。久以正色殫匡扶。疏抗鈞衡有密勿。議獻郊配成都俞。聞公比歲領征討。愛數萬卒如嬰孤。雖有枵腹飽忠義。臨敵氣盡吞於菟。聞公殺賊最矜慎。降散無一遭駢誅。手成歌詞檄衆賊。賊脅從者心歌呼。聞公戎幕盛才俊。薦之清廟皆瑤瑤。其尤傑出並開府。隨公絡繹清天衢。賤子所得僅耳食。十年恨未從公趨。身名瓠落叢怨謗。井邑蕪廢遺邯鄲。塗窮屢欲訣妻子。家亡轉悔存形軀。天親終古已失倚。溝壑豈問今何辜。蒼生如我政無算。蹙頞咸待公下車。拜手獻詩實自賀。喜將與世遊唐虞。皋唐翳贊行有述。韓碑柳雅奚足摹。還看報政返東第。太平經世編成書。舉今助伐炳衛霍。度公滿志猶躊躇。

滬上贈陳珊士比部

壽祺

三首有序

余避地入滬。值珊士乞假尋親。浮海至比。念家山之已破。得旅語於故人。累欷之餘。聊一破涕。惟余厲脫豺牙。枯登駢轡。既自悲秦川之非吾土。復不得臯橋以爲主人。靜言平生。不偶非一。豈因宋玉微詞之累。遂有深源怪事之書。魑魅喜人。鳴鳶嚇我。史公之傳貨殖。徒峻龍門。賈傅之擬離

騷行悲鵬舍。牢愁未已。禍亂相驅。杜鵑爲皇帝之魂。青繩作虞翻之弔。搏沙聚散。原屬何常。阿璧光陰。尙能幾日。故人訣矣。作詩五章。多拉雜自寫。而美君將母之役。爲可風也。時壬戌五月。

咫尺烽煙滿故園。滄桑遺事更何論。客中不意君先在。亂後還驚我尙存。逆旅奇逢甯夢幻。敝廬遙望各聲吞。只憐舊日高陽伴。貧到難賒酒一尊。

艱難十口賊中來。漫信從今脫禍胎。逋客姓名憎襤褸。腐儒性命賤蒿萊。但遭饑餓猶奇福。不學屠沽總廢才。千載要離吾欲傍。卻教荷鍤仗誰埋。

乾坤莽莽欲何之。憂患年來鬢盡絲。廿已文章吹馬耳。誤同謠詠中蛾眉。殺身原未傷吾道。棄物無端值聖時。努力諸公麟閣上。不才報答只能詩。

空持絮酒酌春申。躑躅江潭到日曛。暈得死投乾淨土。政堪生諡杳冥君。春心蜀魄三更淚。罪草湘纍九辨文。畢竟功成還蹈海。魯連多事卻秦軍。

萬里尋親事可傳。風濤不問死生懸。功名何忍慚清夜。盜賊終由棄性天。豈有帝心難鑒汝。能充君類足安邊。吾今亦受橫流禍。請爲蒼生贈此篇。

琬士招飲酒樓歸。誦君詩卽題其集。用卷中往年倒和鄙人食蟹詩韻。

爲君一飲三百杯。枯腸芒角收飢雷。歸來讀詩破醉膽。偏師敢奪長城圍。陳登豪氣無不有。烏帽狂歌拍銅斗。騎驢花市散直回。狼籍使才如使酒。海內兵氣方囂然。落拓難爲王公賢。一官將母苦不足。飢死羞



乞朱儒憐。我復懷君同舍客。駿骨仍聞瘳如昔。漢廷揚雄強解嘲。謂周叔雲秦邸蘇君徒獻策。謂李尊客  
未到官。二君皆與君都中同宅。況我飄泊同孤雲。百指旅餓常兼旬。與君今日尙握手。明日拋骨空江濱。還君詩卷益淒厲。請君詩腸倒江洗。麒麟高塚今特多。政恐埋詩少餘地。

# 亢藝堂集卷二

## 古今體詩

滬上喜遇潘椒坡介繁卽送其重還鄧尉山中井序

今年四月余避亂滬上。知椒坡先已入鄧尉山中。飢懣不得遇。更兩月。余有騎省之戚。旋臥疴纏床。短檠熒熒。稚女相守。忽呻忽嚙。自謂無期見。而我椒坡竟至。喜極嗚咽。不知涕之何從也。既幸故人能來。病亦良已。作長歌貽之。篇中追撫昔款。殆難爲懷。嘗自卒讀。益恨淚不可仰。君行復還舊山。兼卽相送。所恨喪亂以來。懷抱可想。猝構斯事。手重五斤。加以逆旅塵穢。直如給札籬溷間。庚申外史云。情知春草池塘句。不到柴煙糞火邊。固宜蕪音累氣。重爲隱侯病矣。君故見癖嗜。將又謂味似鮓魚耶。適望見爛衫醜紵。肩隨若匹耦。跚跚然坐。主人簷下隙陰。左手拍青竹板。右搖臂作撇捩狀。相與度爲曼聲。無何曲終。市上人笑釀之錢以去。度是人如是。更數番可使飽腹。斝臥而我撚髭數斷。始能跳出一篇。飢火正煎。持此曾不換杯水。以視拍竹坐簷下。須臾博市人錢者。不如也。不如也。執是以論。便工何爲。并舉似椒坡以爲何如。

前年手折閭門柳。側帽花前醉君酒。驚心別後却灰飛。此際不知君在否。去年聞爾浮洞庭。全家貸賊眞再生。五湖三畝攝追騎。問道夜走春申城。今年我亦浮家至。期君各訴蒼涼事。胡爲掉頭重入山。蕭瑟江

關空寄意。我來海上百茫茫。忍飢不已還悼亡。病人窮鬼苦相搏。自分與爾終參商。牀頭昨夜燈花喜。私  
慰來朝病當已。何期一刺故人來。下牀走迎腳不履。咄嗟握手瞿心顏。爾何黧黑吾蒼髯。都疑邂逅成隔  
世。何堪譚笑追昔年。昔年並轡蘭臺走。馬稍清談好身手。池上君殊有鳳毛。花間我每從犀首。中郎阿大  
盡能文。細唾輕衫總出塵。曼歌自按紅牙尺。醉墨分題白練裙。花萼筵中盛賓客。柘枝我覺顛尤劇。狂隨  
隄上唱銅鞮。醉使壚旁眠錦瑟。玉河濯濯好楊枝。最是何戡絕妙時。但怨班駝送油壁。不辭絳蠟寫烏絲。  
花遊別有東風眷。屈戌銅鋪鎖春燕。文園賣賦酒錢匱。屯田下第詞名徧。是時兵氣滿炎荒。殿上求衣夜  
未央。安危自仗諸公策。痛哭何消我輩狂。鵠立銀袍同聽點。年年韜縠和春餞。遨頭自笑送人忙。捉鼻政  
愁難汝免。京洛縹緲厭客裾。秋風一夜憶尊鱸。祇餘爽戀西山笏。不願官求北府廚。君遡南鴻潞河曲。我  
亦凌冬理歸軸。衛公舊築洛陽園。司空新買王官谷。所嗟水路自迢迢。從此相思隔暮濤。卻掃終乖稽呂  
駕。撫塵長闕尹班交。人事歡娛有銷歇。阿連春草風前折。入室君嗟子敬琴。比隣我愴山陽篴。痛心俄共  
泣。皋魚荏苒光陰隙。過駒君儘羅囊賭諸父。我誰葛帔恤遺孤。誓墓初心遂成阻。飄零書劍仍何補。鼓吏  
奚庸擅賦才。參軍徒爾工蠻語。時事身名等陸沈。雍門彈畢足酸辛。九歌屈子遭讒日。五憶梁生避亂身。  
海邑翕然聲利藪。依舊朱門能炙手。毋乃程羅氣太尊。反令許郭名居後。不然如爾亦胡憂。閱閱才華盡  
上流。王粲無家猶貴介。邵平累世是通侯。爾尙棲棲憐鳳泊。何怪鰕生合遼落。縱聞虛左待侯嬴。徒冀長  
鳴逢伯樂。鬻畚垂簾未有方。漫從詹尹卜行藏。難期海上栽黃竹。只擬齋前種白楊。自傷重復傷君別。仍

向荒山煮白石。默處雖全管幼安。亡歸終惜徐元直。情知此別事茫然。終有年期葬水仙。但是吾曹轟美酒。便應公等上凌煙。行矣願君慎自愛。閉門且種劉郎菜。我縱封侯骨相屯。此心尙自馳吳會。

呈潘玉泉都轉曾璠

早歲華筵擅九能。城南尺五榜觚稜。韋賢少子西京望。張緒當年北闕稱。曲燕醞分金掌露。御屏詩映玉壺冰。竹林暇日歡遊賞。卻幸追陪我屢曾。

時節承平蘊莫知。唾壺塵拂歎風儀。角巾東第惟延客。華蓋西園競賦詩。後進謬推裴叔則。衆賓欣遇鄭當時。何須竊視牀頭易。始信王濛叔不癡。

禁中頗牧表才賢。氈帶雙韃出海堧。漢代谷蠡新就款。唐時回鶻請援邊。遙分上相籌神筆。時曾濂生探帥駐軍空慶數報名城逐寇旃。餘興雅歌應不淺。顧榮應璩並淵窳。彭詠我相國表君以刑部郎中出辨江南團練今滬中設會防局與泰西諸國協同勦賊君與顧子山觀察文彬應敏齋刺史寶時總其事頃松江諸屬邑皆合四兵收復

滄海橫流事可傷。不才今最慟猖狂。江東久棄羅昭諫。海內猶存盛孝章。欲託監門圖困悴。尙稱記室擅飛揚。仲容絕代青雲器。回憶鷓鴣隔九閩。謂令姪伯寅副憲

閒門一首和潘椒坡元韻

東風無賴蕩微暄。依舊茶檣水滿村。打起鶯兒悽斷夢。邀來燕子說銷魂。淚棲團扇泥金字。香褪檀槽拍玉痕。頌酒學禪從此始。怕仍無意抵重門。

和潘辛芝舍人觀保韻

丈夫原不仗毛錐。苦望揚雄後世知。餓骨反能增伉爽。回頭漸覺悔貪癡。生當作達何須仕。事近邀名只  
有詩。何日祝翁從授法。竹籬粥粥課羣雌。

妙格籀花比畫錐。當年結託始相知。

元微之詩結託蕭娘只有詩

碧蓮到底中心苦。紅豆生成入骨癡。瓊樹朝朝長恨

曲。香囊叩叩定情詩。東風誤結三生案。浪作蜂雄蛺蝶雌。

送陳珊士奉母浮海還都兼懷潘伯寅同年

江勢日夜趨崑崙。西風蹴浪萬馬奔。送君登槎返瑤闕。腳底颯沓掀鯨鯢。樓臺浚霜翠蜃出。島嶼截浪冰  
蟻躡。峨峨一鏡博桑噉。盡掃象緯排天關。非煙若花拂檻過。險被手擲留餘溫。羲和騰精萬萬古。到此堪  
與浮漚論。乃知元氣有囊載。就中一物爲乾坤。颶母危立空中雲。手扶噫氣馳飄輪。浮靄隱起纔可粟。白  
日蕩蕩波無痕。須臾一縱割昏曉。追攝萬有沈齋淪。遠愁鼈極失故迹。下視蛟族亡精魂。賈胡篙師盡惆  
悵。此際惟恃心能捫。吾知君也不逢此。忠信涉川古所云。憶君來時溯析木。襍被亂裹春濤昏。豈因奉使  
訪仙藥。蓬萊縹緲朝羣真。又豈鑿空踵博望。支機遠乞銀河濱。秦皇漢武侈荒域。聖明此事非所聞。或者  
雞林與馬邑。朝貢有禮須褒勤。帝曰汝才其可使。往宣朕命加元纁。不然瀚海正傳箭。自請尺組俘恩循。  
二者大可博鐘鼎。次亦華組夥纒紛。舍是曷又輕試險。得非飢死憂金門。本朝嚮用重儒術。孔桑心計緣  
難蚤。自從軍興竭輪轉。關河遠算舟車縉。耕奴織婢理當問。豈謂奪主真喧賓。來從牧豕尙清白。坐與爛

羊爭級助巧謀中飽劇巨僮勤奉餘羨忠吾君久踞或已門列戟。整親無勿腰垂紳。鴻都可諧到科第。貂尾能續盈兒孫。易觀豈計奴隸笑。張餒足使王侯薰。斯風海國近爲最。爛然繡績包羶葷。能來手攫亦大快。遠勝誓墓售韓文。或云膏血非善貨。類致誅譴干明神。要領嗣息懸夙負。姬姜田宅司他人。明知腐腸姑嘗鼎。縱非尤效懼謗分。吾笑謂此自有處。但當爛醉謀紅裙。妓堂銀燭合香麝。鷺勺翠釜羅殊珍。九華之筆雜瑤瑟。二十五雙金雁新。雛鬢趁拍年十五。綠鷗覆額光初勻。一唱江南已腸斷。鷓鴣越調添微曠。惱公此曲且莫拊。肯惜醉玉頹輪囷。玉繩漸斜案戶沒。媚語拂拂吹餘醺。錯刀繡段粲盈席。纏頭一擲還吾貧。一歡電抹固無謂。遊戲宜免遭天嗔。吾方狂言雜笑話。君自愁淚含悽辛。阿奴錄錄有母在。苦爲負米羈縲塵。一官浮湛今七載。養堂遲未霑朝恩。慘值龍沙掬桑梓。極天禍餓真炎崑。此時椎胸日南向。瀝血上籲蒼穹仁。妻孥僂辱都不悔。惟乞衰白能生存。王陵溫嶠口可藉。其柰鬱烈中心焚。裹糧縛屨從此始。走死誓亦迎吾親。嗟君此念卽司命。潛懾海若孚黃巾。板輿出險登九達。鶴髮仍是康強身。艱難一百一十指。無恙同脫豺牙狺。嗚呼世亂奄踰紀。極自萬里惟荆榛。瘞骨未收憫忠塋。招魂空葬祔連墳。風吹野蒿腥戰血。雨洗敗葦漂寒燐。子孫流亡故鬼哭。衣冠淪墜人奴尊。東南板蕩至此極。海內望治如陽春。氣機可轉庶此日。聖主初祚新陶甄。闔庭共賀得元老。臺垣私喜居諍臣。河陽清卿吾舊友。論事風骨何嶙峋。早經珥筆奮嚴助。頗聞對仗彈平津。鄭公立朝絕斌媚。敬輿居禁貪敷陳。駸駸三十需大用。韋平世業光後昆。與君相濟信沆瀣。伯寅爲君釋禍時薦主也定知所質惟經綸。君固郎署未專枋。循資考最均及辰。何難通

顯躋九列。或持英蕩來宣旬。致君肩比數賢達。手幹元氣還吾民。漢唐以後論治績。惟宋元祐風彌醇。當時邊鄙豈無聳。夏實逋寇遼強鄰。范韓溫潞布中外。屹然巨臂撐鴻鈞。今之朝局頗足似。固知休運當重臻。君今到日秋正好。朝衣不脫娛佳晨。直沽紫蟹膏溢玉。豐臺白菊花如銀。爛斑插花壽無極。諸孫歡侑皆莘莘。上有宣仁下阿母。好樹此福蒼生均。

荅潘辛芝舍人見贈次韻

閒居乞得著書身。潘岳才華粲若春。家有老蘇傳述作。詩如狂李感星辰。鳳池一昔工裁詔。馬磨如今苦給貧。嶰竹終難淇水老。周家方自責伶倫。

滬上遇王小鐵舍人。贈之以詩并索畫家山圖兼示令弟研山孝廉

我初識君司寇宅。

謂趙蓉舫師

三十有餘頗白哲。問名知是詩人孫。文采風流故無敵。

君爲夢樓太守曾孫

是時海內初

用兵。潢池盜弄何足平。吾曹但築詩酒壘。縱橫各有長安名。嗚呼世運日遷變。錦片東南今百戰。傷心吳

越等無家。飄零海角重相見。相見華顛各已皤。一時遽欲問誰何。纔隔十年渾隔世。河山且異況其他。游

昔乾嘉稱極治。文苑儒林不勝紀。翰林太守擅宗風。詩埒右丞書內史。百年雅道付文孫。寄食南昌不自

存。狀貌空遺蕭穎士。丹青堪歎曹將軍。須識兵戈苦相厄。造化總還輸筆力。倔強能逃浩劫中。嗟爾江山

猶脆質。我今屢見煙江圖。洪濤萬木爭號呼。天池倒傾元氣濕。真宰入握羣靈趨。又從王珉白團扇。瞥見

驪龍珠一串。知是君詩脫贈新。入神篇翰何蕭遠。如此才名作寓公。聲價灑然來向東。海濱末伎正喧雜。

得此吾道非終窮。愛弟詩篇最冲俊。結社西園互標勝。顧廚俊及一時豪。難得鄴中聯。二應我如靈運本。疏頑白社無因得。叩關苦惜屐材無蠟處。須君爲我畫家山。元遺山有

贈唐序階秀才

頭角當年氣似虹。無雙江夏譽黃童。全逢禮樂開元日。親接源流正始風。四傑體裁終不廢。一生跋扈爲誰雄。特因待我徵文獻。兵火歸然仰魯宮。

旅夜閱唐秀才端州紀變詩書感

慘澹西風激素波。悲如同谷七章歌。目空程李餘何算。氣挾幽并老不磨。尙憶麻鞞餘慟哭。如今銅狄賸摩挲。燈前擊節生根觸。我比唐衢淚更多。

血洗中原作海流。狼弧虐燄一星周。橋山弓劍留遺憾。江左衣冠盡楚囚。充國若存何至此。謂林文忠哥舒一敗遂難收。當年誰是王夸甫。大錯茫茫鑄六州。

桑梓龍沙最悼心。誰云天險足憑臨。未聞王濬浮江下。又報孫恩入寇深。蕩蕩竟誇城是漆。紛紛頓棄甲如林。北門管鑰何人掌。五斗天師誤到今。

拱手山河半壁殘。朔風白骨夜漫漫。朝中何惜誅房瑄。江表今惟望謝安。謂湘鄉頗憶孤軍懸石壘。今年方伯國荃率師搗金陵。已傳城下大營兵少無繼進者。今尙屯屯雨花臺。近聞雙節下嚴灘。左季高中丞由三衢轉戰而下。已入中興日月今

方麗。早揭江東父老看。



百指蒼黃出遁初。草間屬息最崎嶇。驚傳僞檄徵鬯勝。暫變真名匿范睢。剪紙時防魂不返。吞甕仍患食無餘。卽今家在秋風裏。猶恐監門畫不如。

險絕函關夜賺開。橐中色早死如灰。杜鵑從此歸無路。磨蝎偏還命有災。裹飯誰憐桑戶病。招魂更比左

徒哀。淒涼道脫紅羊劫。卻向荒江藁葬來。二月末全眷附估人舟。問關入滬。始出賊境。居逆旅中。滿屋皆

癘。予婦繼之。麥飯紙錢都不能具。桐棺寸厚。相送於黃浦之側。至今猶暴露也。哀哉。

波濤萬里狎天吳。性命輕懸碧眼胡。入海豈緣仙藥使。論邊直似鬼薪輸。烽連故國無鴻雁。淚落他鄉有

鷓鴣。日暮水中鳶跼跼。一家寒信警菰蒲。八月間復挈眷附番舶自滬。中至嶺外時伯兄先已在此。

對床風雨各淒然。難得浮漚聚又圓。車腳勞薪原共命。刀頭破鏡定何年。無家遑更論身外。不死尤難度

眼前。卻訝蓼牀潦落客。當時猶有可耕田。

墓田東望黍離離。絮酒憑誰奠一卮。歷劫人言端有數。戴天吾恨了無期。空如精衛思填海。豈解姬隅賦

躍池。忽憶西州曾折筮。痛吟曹植挽歌詩。前歲客王雪軒中丞幕。府今中丞已死節矣。

步兵今日信途窮。萬里珠江一斷蓬。行計悔遲虞臘後。悲哀難罄越吟中。里閭惡少成酋長。泉路諸親有

鬼雄。便得化爲遼鶴返。豈堪重問舊江東。

書劍重番理舊滕。半肩真似打包僧。何曾北郭筇工濫。卻與南州榻共登。亂後饑寒聊可託。瘦來肝膽整

無棱。驚看折戟西江岸。秋雨苔花血尙凝。

龐公者舊近連牆。爲語桑麻亦戰場。彈指纔經龍漢劫。傷心曾作雁門行。君詩中有流死廢興君似談天寶。流落吾猶謫夜郎。同是不堪回首恨。登樓王粲獨茫茫。

蘇庠堂給諫

廷魁

卜居新就兼送其奉召還都

蘇公忠譽姿。匡國抱奇識。秋霜飛簡端。翕翕目盡側。豈不嬰危機。頂踵輕社稷。立朝三十年。真氣隘八極。風節震廟廊。薄海聞考擊。誰知拂衣還。妻子依片席。三徑資絃歌。四壁今有立。從此東郊門。千載過者式。宣皇御寓久。傑碩盛收攬。屬當濟艱屯。愈因顯詒燕。恭維先帝聖。淵度優極諫。公時批逆鱗。瀝膽沃姦讎。請劍雖未遂。固爲列聖鑒。所以堯廷奸。終遭有虞譴。同時倭體仁。正學負伊且。粹然論治要。天子首屢頷。嶽嶽曾湘鄉。免冠因有獻。抗詞爲二公。義色何侃侃。偉哉三君子。登朝輩相間。崧華錯基趾。壁立天下見。自古宏濟略。決不出涇渙。至今兩相國。樹立庶幾諱。息壤各在彼。公手甯得斂。縱今菟裘成。敢請撫夙踐。自公去朝局。阡危逼朝露。犬羊忍羈縻。狐鼠恣狎侮。痛哉蒼梧狩。四海切攀慕。殷憂啓盛明。天眷有成數。不觀二祖朝。謨烈炳冲祚。足知氣機轉。特與聖哲遇。公今荷特召。忠識遂決赴。十年臥疏廣。一日起謝傅。大賢出處間。所關自有故。卽公攬轡日。可以卜天步。

我讀梓材篇。治道若作室。側聞廊廟具。搆材頗云亟。列聖造區夏。是何經始力。朽蠹久則生。區區煩綴葺。如何般倕工。慘澹心轉拙。道謀亮難成。畫墁尤墮績。公今卜新居。旋馬容雖劣。想當覽結構。着意在拱極。環廬各有承。腐材首必易。所以吉祥觀。井然悉相得。願公參嘉謀。還如治公宅。先陳鷓鴣章。再奏斯干什。

呈廣東伊雲巖方伯伊霖

弓旄方盼錫專征。何意陽春腳遽行。注考真同陽諫議。去屯最惜趙營平。角巾公自還初服。擘畫人誰繼老成。第一詔徵東墅日。尙煩亟起爲蒼生。

當年壽筆定谿蠻。轉覺功成慮更殫。但看髻催今日白。可知心竭此生丹。許身敢爲飛鳶動。得福真同失馬觀。軍國計臣方袞袞。罷官似此近猶難。

溯從領郡得龔黃。福曜天教普此方。十載潢池勞砥柱。九遷藩府定苞桑。恐公此去關天下。惜我無因叩帝旁。但祝春風體忠愛。年年長護召南棠。

水同廉靜佛同慈。何怪東人永去思。治粵無如公最久。識韓偏恨我猶遲。飄蓬敢擬南州躅。種菜俄驚北海知。天意若真安嶺嶠。請看把鉞再來時。

題陸秋生廣文邗江詩夢圖册子

蛤蜊菰葉晚蕭蕭。月落隋家第幾橋。虧是秋墳能唱句。不然涼夢忒無聊。吟過棠梨月色斜。織烏吹送客還家。匆匆詩尾忘題款。或是當年蔡少霞。瓊花鶴市散如煙。猶占揚州好墓田。比似蓮花詩博士。風流須要陸家傳。結習人天兩未除。淒然清怨動寒蕪。平明傳遍旂亭路。遠唱黃河遠上無。玉鉤斜畔慘西風。千古埋香恨事重。應有佩環歸月下。不知那夜可同逢。

題王子欽秀才歲朝圖贈蔣樸山都轉

蒼龍蹀躞天東來。珠沫一歎齊煙開。是誰狼籍碎瑤錦。寶鉸亂向星機裁。爰華騰精昌盍旦。俯視陽蘇俱  
徧散。旁侍蓮花玉女驍。同博紫庭微一餐。禺奪本宅羲和臣。手清海霧宏宣旬。還持蕩節兼桂筦。不使左  
轄私陽春。東風九萬來爭捷。預趁年前轉青律。十二月二十七日立春。催放花枝照海寬。卻與甘棠染春色。

正月十七日爲元高士倪雲林先生生日其遠孫雲擢參軍以是日設祀學海堂集同人賦詩侑觴

同集者蕭山韓螺山人欽南海陳蘭甫學博澧家逸農別駕福田

仙春城滿碧桃枝。鶴警如煙認鳳姿。蘇某所摹遺像。是日展掛壁間。詖蕩金吾猶展夜。摩挲銅狄適如期。高士生於至元年。筵前分聲。去補紅蠡捲。紅蠡捲碧知無分集。海上遊停赤鯁騎。此是幔亭家讌盛。底須配食水僊祠。

終古荆蠻一逸民。高士嘗自署五湖三泖最知津。每就借榻依僧夏。足許披裘釣富春。詩仿陶公存典午。

本吳匏庵題跋名宜白傳喚迂辛。見白香山鴻冥堪歎嬰狙網。狙網見空與要離家作鄰。

千頭曾擁橘官租。淥水名園住謝敷。名重賈胡知磬折。指番人再拜。癖奇營妓但壺盧。謂趙兒移牀直斥僧

真避障扇惟防庾亮汗。逸品總居神品上。此人此藝一時俱。

少微從古曜吳中。箝口思全卓帽翁。笠澤姓名更范蠡。高士曾改姓曰奚玄朗。草堂兵燹去盧鴻。賣田猶作揮金俠。

警因貧變產得值千金以資張貞居仍無所留昔日揮金豪俠亦集中詩也。踞座真遭煅錫公。補正平罵黃祖爲煅。泉亞中冷田下溪。換來江

上一飄蓬。

人自膺滂傳裏來。却教絕藝掩畸才。同時黃鶴齊名許。臨老紅羊換劫哀。世運本如生魏晉。古歡真可締

王裴。頓令吳客增清價。只爲巾箱有斷煤。先生殘煤斷壁。江東之家。以有無爲清俗。見陳眉公本集序。

清闕宗風喜未孤。參軍今解賦姬隅。踏筵妙舞工鸚鵡。合座新詞侑鷓鴣。白雪當時空見忌。白雪亦忌潔本集中句。

黃樓此樂久應無。標題合仿西園例。敢補南湖第二圖。集中有甚南湖竹石題贈王仲和詩。題注所識。月日正今日也。

題倪雲耀少尹鴻豆棚閒話圖圖爲龔年避亂時作

南山一頃翠離離。正是霜肥露湛時。縛做借秋亭子樣。劇碁清煨各隨宜。紛紛涼月罅微通。穩過江湖橫短篷。幾個涼蜚閒似客。別緣煙蔓絮西風。也話桑麻也市朝。過時欲記覺寥寥。本來二十三家史。唱箇西江月便消。半是春師半菜傭。此中曾許有英雄。當時我若班荆在。牀下先來拜德公。諸公平準出心裁。半菽軍中政可哀。大好追涼團坐處。慎防籬外吏人來。采菽中原事稍非。仰天我更欲戲歎。苦思末下調鹽鼓。一柄長鑷沒處依。

偶作新柳四首用漁洋秋柳詩韻示兒子

含情忽斷翠樓魂。從此閒愁欲閉門。客裏有人慚髻色。閨中被汝學眉痕。春歸塞北猶無路。酒賣江南已有村。祇是曉風殘月岸。屯田舊恨怕重論。

休怨關河落曉霜。夢痕爭發謝家塘。買春浪擲黃金縷。學舞偷開碧玉箱。漫把絲情牽蕩子。未宜絮劫問

空王。依依青粉牆。西路記取章臺第幾坊。  
屏底誰窺淺綠衣。問名知是杜郎非。天涯有客青衫滯。陌路惟渠白眼稀。此日藏鴉猶可見。何時乳燕始能飛。漢家營裏春風細。去覓封侯願未違。  
一分春作十分憐。翦翦東風縷縷煙。別恨漸翻三疊譜。餘寒賸擁數銖緡。杜秋此是初逢日。樊素今當未嫁年。獨有姓張風度好。靈和殿裏曲江邊。

送王雨庵觀察

由輪船泛海入覲

萬里朝天振薦華。此行景倩信堪誇。蠻城餞趁紅雲讖。漢使程登碧海槎。捧日從知霄漢近。御風未覺海山遐。到時剛預櫻桃會。賜出品盤爛似霞。

將歸浙中書感四首

春遊王粲苦無家。賦罷登樓黯自嗟。依傍生涯同燕子。飄零身命是楊花。流年此日愁看鏡。世態誰人不似紗。幸得鄉關烽火靜。盡收蘊篋買歸槎。

萬死投荒博再生。如何虎口又重嬰。偶緣知己情初洽。直使全家命盡輕。刁斗異鄉悽鶴唳。檄書通夕斷雞聲。至今兒女春宵夢。弱魄忡忡尙屢驚。  
余因故鄉被寇。問關入粵。昨歲至龍川。又在圍城之中。當戒嚴時。已決去志。爲主人留連。誼不忍舍。若當日竟與蟲沙同化。可謂死矣。無名矣。

腐儒性命直區區。不值人間水一盂。誤把景升推俊物。轉隨阮籍哭窮途。片言白刃成仇易。近代黃金作

俠無凍殺紇。千山上雀飛。歸生處是良圖。  
肝膽逢人不自量。果如歧路竟亡羊。掉頭今且歸東海。對面方知有太行。未死升沈誰敢料。有生恩怨特難忘。去從故里尋歐冶。倩儔芙蓉一片霜。

題傅節子郡丞花延年室金石拓本

編排金石始歐趙。鉤拓自合尊宣龢。河東款識特精妙。娜嬛館主重樂譌。近今契窰遞流布。焚燼積古公前波。桐鄉金氏亦其匹。鏡背瓦腹殫蒐羅。誰做潘氏獵碣例。侍郎爲釋籀與蝌。題詩亟勸布金雍。祕不錄副成蹉跎。昔年賤子住都下。兩家後享頻相過。鑿楹有此惜未賂。深屋難許窺修娥。玉樓上梁召何促。侍從一夕辭鑾坡。圖書流浪或職此。此物亦幾埋銅駝。北地傅元酷嗜古。得之欲唱宏農歌。珍檀古綈重薰裏。塞衛到處奚囊馱。苦心裁鑿事增續。堆案尊占紛磊砢。觀耕春隴拾斷鏃。下馬枯塚捫寒莎。土花窰紫瀆人血。銅鑪結綠排蟲窠。晴窗靜擗百番紙。輕鉢勻劑千丸螺。丁丁椎搗日盈卷。持比原本精且多。行謀剗劘播海內。蒼黃避賊荒山阿。三年拾橡餓不死。奮隨健士提長戈。鏟平賊壕返故宅。草堂四壁惟牽蘿。牙籤散棄已垂盡。零丁求索從誰何。豈意至寶不淪喪。例有鬼護兼神呵。無煩趙使走問道。竟贖蔡女歸漳河。葫蘆鈴識宛未沫。錦罽褻襲平不頗。燕雲唾毛有如此。疎駛頓似蠲沈疴。重讎首尾益新得。斟酌限斷無嫌苛。郭象竊注誠可恥。少孫補史還殊科。自題續本別初本。一例玉樹交珊瑚。回憶侍郎作詩日。距今周甲真剎那。豈惟白楊堪作柱。墓碑亦恐遭刊磨。當時人文正全盛。羣公邸第鳴玉珂。太倉北平時尊

宿陽濕青浦肩相摩。鉤扶經史到闡奧。商摧箸纂何委蛇。吉金樂石間旁訂。遠使都趙慙顏酡。

下缺。

### 青豆

甌籬新采一檐盈。微漉晶鹽小焙成。筐裏滌青融露液。茗邊織碧鬪雲英。價價金谷無雙豔。淚墮陽關第  
四聲。持比相思南國種。未應綠意減紅情。

### 榧實

綽有風棱挺玉芽。釘杵橫似眼波斜。紫胞穎脫遺蟬蛻。黃面鱗皴感爾華。銳削海邊仙棗核。澹霏春半水  
松花。嚼來恍比輕冰脆。只累纖纖鳥爪爬。





亢藝堂集卷三

玉井詞

邁陂塘 題畫

悵年時故園拋撇。天涯羸盡蕭瑟。西風衰草黃沙陌。算過素秋佳節。歸未得。怕薜蘿局羅磯。風景俱消蝕。舊山岑寂。要約箇幽人。藥鑪詩卷。平主鷺鷗席。披圖喜。喜見餐霞仙客。分明占了泉石。鵝池鼈柱都無恙。繚繞先生詩壁。風習習。有謝氏佳兒。吟與瓶笙答。相看清絕。怎浣盡塵襟。天風吹我。飛度鏡湖月。

祝英臺近

長安旅館秋夜聽雨

茗初寒。燈欲暈。涼陣灑梧井。何處飛來。蛩語歇。淒緊却和檐際。孤鈴。譙邊斷角。都分付教愁人聽。菊花近商略。明日清尊。將就散秋病。不分今宵無夢。嬾支枕。最愁雁宿吳楓。溼雲一片。猛損我萬金書信。

摸魚子

塵梅

甚天風輕珠吹墮。芻成萼綠華影。綺窗曉旭。剛飛馬刻畫。冰魂明淨。疎又整。渾訝是葭灰。吹現江南信。羅浮僊。隱算小劫。今番輒紅網裏。留取雪鴻印。紗籠好。如許煙鬢霧鬢。難禁玉笛聲緊。凌波羅韞。何曾汚

點作去。壽陽妝靚端詳定。眞暗裏生香。屑屑零瓊粉。輕盈已甚。把拂塵簾屣。一齊回避。免賦落梅引。

滿江紅

長安九日

袞袞西風。又報道一年重九。無處問。茱萸開未。有誰送酒。縱道明年身更健。那堪今日花同瘦。問塞邊。尙有雁奴歸。寄愁否。笳吹斷。淒魚漏。霜氣凝。寒鴛整。這未逢佳節。已堪銷受。何必登臺凝望眼。南雲一樣難招手。且薑芽。點配蟹。敖肥。休僞憊。

二郎神

長安秋思

湘簾蕭瑟。渾不似年時情事。記碟碗。湔梨。玉篝煨栗。笑語曲屏花底。蘭夜厭厭調箏。好道難得已。涼天氣。甚。蟬月叫寒。雁霜衝曉。管他顛顛。容易換來今日。淒涼滋味。恨襟暈酒微。靶痕香歇。越是悶沈沈。地風語。羸綱。月沈蚪箭。獨自胡床料理。凝想處也。合舊闌干畔。有人愁倚。

賀新涼

水仙

忽現。誓葱峭。是當年麻姑降後。重逢。長爪不許塵生。凌波步漫。把甄妃寫照。祇一點檀心。嬌小。翠珮珊然。擎玉立。學宮裝的的。熏冰腦。風雪裏駐顏少。生來不向。舊風笑。笑梅兄冷澹。心情也。偷嫁了。多謝西湖。

乾淨土。香火年年祠廟。算一盞寒泉薦好喜。見銀臺排雲出。理瑤琴。謙出迎神操。前身月倘脩到。  
永遇樂

荏平弔馬周

不遇中郎斯人。忠孝道死而已。周處鄉人。淮陰惡少。成就英雄耳。至今下馬魯連村畔。歷歷釣遊堪記。問  
生時。鳶肩火色。五都識者曾幾。因嘆昔者漢廷絳灌。埋沒長沙。何意何況卑卑浚儀。下邑齷齪風塵吏。  
如卿他日。但除頭白。終不負他知己。新豐市而今還有酒徒否矣。

鳳凰臺上憶吹簫

東阿道中望魚山是成公智瓊嫁魏將弦超處

霧閣瑤宮。塵埋玉坐。海東一樣雲迢。記得珊瑚夢影。香擁鸞帔。無意蓬山判謫。人間世。福便難消。算除却  
同時羅襪。別有蘅皋。逍遙那回去也。悵洛陽千里。何處聞簫。渾未信風塵奔走。也到仙曹歸否。天風銖  
袂。巖扉畔。松桂如潮。銷凝地。梵聲又破清寥。

浪淘沙

陰平道中有憶

殘月冷於煙。悽絕霜天。斷腸滋味最今年。索夢搜詩都不是。泥煞衾函。別語憶當筵。心逐雲邊。如今雲  
斷路三千。可也玉蔥私掐。記明日江南。

卜筮子

又是夕陽邊。日斷煙中樹。樹外寒山山外雲。雲外鴻飛處。回首幾長亭。數了還重數。今日星辰昨夜霜。切莫明朝雨。

菩薩蠻

鈿箏擁髻秋鐙驛。蠟煙低繚。黛眉碧衆裏。最盈盈。十三絃語輕。妾如泥。著雨郎似風。吹絮飛絮著。替泥相逢都不離。

前調

子城東去兒家是。門前一樹桐。桐華紫。聽取綠鸚哥。喚真郎到麼。檀槽金邏沙。隔著衫兒坐。掐冷玉纖痕。時時教與溫。

前調

歌殘細訴雲萍蹟。等閒珠淚輕。承睫一語急。支開酒寒金縷。杯露帷前夜夢。不恨霜華重。只恨曉。嗁雅如今眠早些。

前調

曲瓊風悄鸞屏暮。同心穗卷春紅苜。斗帳絡櫻桃。銀毬香半焦。鈿頭初卸了。領褪訶梨小。何處密兜鞵。賺郎收玉釵。

前調

醉紅印枕嬌無那一枝晴雪梨花妥還恁怯生疎嫌他鏡未枯  
翠蛾低欲結軟語支蘭息那有睡工夫  
霎時驚鷓鴣

前調

輕紅幔曉菱波瑩麝黃商略丁香印出色做吳儂低鬢金粟蟲  
綠雲初綰就添了銀蟬袖休便放樵簫  
照儂人並肩

前調

翠毫尖撇丫枝小玉窗畫出同心藁但願別離休長和花並頭  
心心心上語還祝連絲雨笑指玉虹明  
明朝行未成

前調

玉驄依舊門前樹綠根不似前時語三疊渭城歌酒多還淚多  
昨宵香裊絮今夜風和露風露向郎邊  
妾假香燼眠

前調

贈郎紫鳳香羅裳妾情不比羅紋薄一縷相思此中千萬絲  
從今彈淚顆休惜銀衫澆有日把重看  
衫痕誰最殷

前調

別來寂寂青鸞羽。問渠真個成輕負。贏得薄情名。減郎愁幾停。那知秋雨外。寬盡東陽帶。各自見朦朧。病中和夢中。

前調

江南人夢高樓北。樓中卻夢江南陌。依舊誤相逢。錦衾珠汗紅。覺來寒惻惻。滿地銀黃月。攢着莫思量。怎他空斷腸。

前調

較量骰子安紅豆。也應無此相思透。萬一罷今生。此情殘月憑。月兒如解語。聽唱愁邊句。碧海與青天。一般人可憐。

掃花游

始誓與同人約爲雲門蹋花之游。濟勝未操。塞雨連還。閉門若夢。忽忽百五。春言芳事。慨然無多。不知靈巖治誓。尙及攜劉家小蠻。一醉薰紅樹底否也。拈此爲在約諸子簡。同越縵謹。

春寒瓊夢早。看過臙陰。玉梅花檣。唬鵲漸老。甚東風依舊。溼雲不埽。嫩約蒼苔。多半殘紅飛了。夢邊蘂還。訴與畫闌商略斜照。閒恨春共渺。鎮病榻茶煙闌珊。懷抱煙光過鳥。卻年年留得。晉時芳草。爛醉山亭。也稱王家風調。晚雲杪。看西南斷虹多少。

水調歌頭

題周叔雲太史譽芬東瀛草堂詞集

今夜玉如意。醉折不知愁。何年緱氏龍種。飛下小東鷗。不管梅花狂死。吹得長星都綠。天捲海西流。何不拓金戟。邀我舞涼州。紫蜺譜。青雀舫。白鸞裘。十年一抹。歡電借拍玉搔頭。閒了蓬池風露。來賭蓮花博。士八百鏡湖秋。愁殺兩鯨背。夜夜弄珠遊。

卜算子

春雨閉葳蕤。密密連愁鎖。不爲渠儂更爲誰。花裏懨懨臥。飛絮促年光。不管淒涼我。明歲東風屬甚人。忍復蹉跎過。

點絳脣

吹盡薺寒翠。簾旌外。東風悄海棠開了。可惜無人到。薄暝和煙。畫出閒愁藁。心期杏懨懨昏曉。人逐流鶯老。

高陽臺

奉別章子實司馬華避兵去越

津樹煙淒。江蘋雨黯。夕陽斷送浮槎。烽火連春。此行難定天涯。陽關自古傷心曲。況相兼病裏年華。恨無情帆影空江。轉眼西斜。要知今後消魂樣。似前宵猛雨。碎打梨花。怕過重樓。淒涼短榻紋紗。臨歧多少。



平生語悔當時只透些些更堪愁者樣關山夢落誰家

清平樂

題畫

一篷軟碧蕩得空煙溼。載上春愁剛幾日。人比柳絲無力。東風小袖泥金紅墻。凭損春陰。要把心情細說。岸邊沒箇流鶯。

壺中天

自題水邨寓樓用黃叔暘自題花菴叶

牽船且住有層青。輦翠相望衡宇樓上松風。樓下水隔水。茗花當戶。蘿嶂呼猿。竹弓射鴨。不管閒今古。餓糧須辦菊花。自石同煮。聞道金水河頭。瑤花祠畔。戰骨高於鷗。詞客墓田。誇絕好。賸與刑天夜舞。自斷今生此間差樂。漚鷺推盟主。後人憑弔。寒潭黃葉深處。

賣花聲

珠幙一重重。燕尾燈紅。地衣蹋上淺深中。略辨銀泥衫子色。此外朦朧。隨月輕廊。東替數弓。弓鎖無絲語遞。因風去。是匆匆。來脈脈。也算相逢。

鷓鴣天

薄暑新收卻月廊。薰花風底藕絲裳。醉紅淺刻愁眉暈。溼翠徐兜晚鬢香。偷擲眼。黯迴腸。人前風語特

矜莊心期暗卜蓮房子。數徧團圓。却是雙。

采桑子

玉簫吹過紅橋去。十里春灘。風趁蒲颿。上。鬢絲綠滿衫。一煙斜抱城南水。水到門前。門在花邊。可惜重門不捲簾。

齊天樂

和友人紀夢

分明霧閣迢迢影。相逢桂堂東畔。依舊年時窄衫低髻。卸了玉釵。風軟曲瑤低卷。把水樣秋光。麝熏噴暖。最惜伶俜鞦韆。尚有露痕冑。笑誰今夜拘管。只一簾微月。花影籠滿。同指銀河盈盈一水。量比此情應淺。銷魂怎遣。頓悟葉回廊。露盤颺斷。小簾單衾。相思從此亂。

虞美人

棗花幃子桐花瓷。蜨也和人瘦。早秋兀自嬾安排。要到菊花時節。怎生捱。心情漸覺難勝。酒醒過鴉颺。後一般。悽絕獨眠時。生怕蕭郎。冷暖沒人知。

臨江仙

多少心情無一可。玉籤又打黃昏。隔幃花影閉重門。短檠和淚寫。孤被賴香溫。一枕西風支病骨。夜長獨自溫存。前宵疏雨道難聞。如何今夜月。一樣也銷魂。

清平樂

玉鵝衾瘦薄。醉相廝守。剗地桐廊疎雨驟。忽憶畫樓寒否。五更翠匿香銷。可堪心比香焦。索性不須睡也。流鸞颺上花梢。

蝶戀花

隄上書所見

一樹細桃花似雪。花裏琉璃簫。花外黃金勒。禁架東風寒不得。柳絲冑定紅橋側。曠影疎疎衫影窄。燕子歸來。飛到品簾隔。斜日催人真也忒。晚波借去春衫色。

滿庭芳

蕭山丁韻琴司馬文蔚大碧山館圖

湘月通簾。秦雲貯檻。柳深深處。江亭鷗波。僊史新署。碧山人不辦。蕁湖新翠。是煙花影。還是眉痕。但噉噉花叢那角。香語脆於鸞。亭亭肩比玉。茜羅寫韻。槌珮吹芬。儘陽春和汝。子夜憐卿。見說玉山筵上。也還許出拜雲英。須何日。綠梅香底。著我醉調笙。韻琴所製兩姬秦雲江柳秦雲字佩芬尤工詩畫

浪淘沙

申江感遇

甚處好行吟。呵壁空曠。縱今飢骨尙嶙峋。能識新豐沽酒者。爾是何人。百指話艱辛。淚竭無聲。蟲沙溝

整政難分何苦先時除賊口累死如今

賀新涼

夜泊黃浦寫望

月黑潛蚪舞剛夜半長颿挾浪動搖天柱一雲江平潮已落收拾靈胥餘怒但倒插蒼蒼元武天塹海門通鎖鑰莽浮漚盛得鴻濛住星點外只煙霧阿童今夜知何許看千里蒙矐羽檝揚靈極浦最是當年珠履盛照映江山千古算有酒須澆斯土人物古今淘不盡定有人擊楫宵呼渡吾正共蒯緱語

滿江紅

美人抹胸追和珊士叔雲諸君之作

珍重春寒好長護玉窩溫處看一角平裁羅帕祕熏蘭炷一抹靈犀假輓玉雙詞么鳳鉤纖味最銷魂浴後試單衫依稀露繫贈佩藏絨素情密密紉如許記中央四角有人曾賦香麝暗勻緜半搦雪臍輓約金雙縷問郎情似此貼心無羞低訴

高陽臺

潘淑坡助教介繁曩遊西湖靈隱寺有詞却寄今始寫付依元叶調之

梵磬雲藏乳泓霽灑宵吟呼起龍眠練帶薇壺詩愁醉送湖天千年翠鷺山中老對斜簪低睨舫船卻誰憐絲髻年華斷送花前裏湖山似閒愁疊要吟裝題徧萬箇筠箋茶夢年時烹雲石亦曾鞭苔蹤悵比

巖泉冷。算空勞鶴語尋煙。況頻年桂子荷花。慘倚烽邊。

賣花聲

梅花仕女便面爲沈寄帆叻參軍

花外月如煙。花底湘簾。一堆疎碧鎖清寒。可是纔交三九過。雪後春前。凭損退紅衫。倭髻微偏。憐花人恐惹花憐。惆悵不知雙翠羽。夢斷誰邊。

滿江紅

酬姚江沈梅史孝廉文燾

橫槩江東看。髣髴吾家獬子。誰說道腐儒身手。未能成事。射殺羅平妖鳥者。當時傍舍錢生耳。況過江君子六千人同時起。髮尙共荆卿指。身不忘要離。誓望此行早雪會稽之恥。斫地哀歌何抑塞。前身疑爾真青兕。更當筵一曲白浮鳩。君行矣。

買陂塘

滬上贈人

碧憎憎畫樓十二。菱花一片秋曉。不知人影還花影。花卻修成雙笑。簾卷了。纔兩字閒愁。淺把眉頭掃。楊枝一擲。看立近雕闌。銀鸚架底。一色雪衣縞。飄零怨舊。是平陽嬌小。而今那忍重道。茫茫風絮輪中劫。我更比卿潦倒。隨分好。君不見西風滿地紅心草。青蛾易老。須莫誤尊前。水般年紀。月樣好風調。

前調

調汪昭民乃昌用前贈人叶

定何年玉箱鏤枕。遊僊夢鎖春曉。畫鸞不管人腸斷。只倚錦屏欲笑。拚醉了。奈痛引金卮。總苦愁難掃。生花管。擲料賦就閒情。玉梅香底。錯認袂痕縞。西陵約盼斷同心。蘇小誰人。此恨能道。桃花潭水情無竭。我爲汪倫絕倒歸也好。須識道。天涯何處無芳草。瘴鄉秋老。算我忒無聊。聽風聽水。拋卻紫霓調。

醉江月

滬上讀潘辛芝舍人觀保 鵲泉山館旬卽題其端

飛來浩唱。把海天秋夢。宕成空闊。喚起靈均湘水底。來對蘭成愁絕。目斷煙花。空濛不見。但見傷心碧。桃花牋上。春愁都化鵲血。休怨日暮江關。西風雁背。萬里吹華髮。豎子英雄皆偶耳。他日寒蟬能說。只苦琵琶一般淪落。未免青衫濕。有誰同見黃君浦口之月。

滿庭芳

滬濱中秋對月誦東坡水調歌頭跌宕不能去口別賦此解以寄遙集然予憂則更深矣

萬古金天鎔成此夜。盛來雪色鴻濛。桂花如掌。吹落海山東。我欲醉橫鐵笛。長鯨背。彈壓西風。徐俯看方壺鏡小。徹夜走魚龍。霓裳聽厭了。不須重問。換羽移宮。倘嫦娥。今肯爲我從容。只乞采雲片片飛來也。擲地成虹。人間世一齊編入八萬四千中。

水調歌頭

將爲粵行潘玉泉丈以其詞集見貽倚此奉謝卽題卷中

滄海日東逝。滿地忽商音。何來天上珠玉。一唾萬花醒。可笑江山千古。輸與紅簫尺八。不付劫灰沈。淚落羽衣謫。天寶舊人聽。今古事。兩蝸角。一楸枰。不如作達。花底能死美人心。好去攜公此曲。倚向蓬壺遙夜。管取怒龍暗。三萬玉斐下。爲我按瑤笙。

邁陂塘

顧上之秀才榮達 見予贈人言亦賦此調贈予粵遊次韻答之時上之方眷此姝也

恍重逢玉山裙屐。阿瑛今年少。我如方朔談諧慣。但喜媮窺朱鳥。拚一笑。道玉暎清心。作婦誰家好。鏡邊語。悄料替畫愁蛾。行隨繡蝶。一步一飛繞。相逢乍。忽唱綿綿遠道。陽關最是淒調。閒來聽曲。愁來醉。幸我別無懷抱。飄掛了。儘海色。西風蓬鬢吹將老。離腸漫攪。好珍重。么鸞。瑤天露迴。寫倚畫屏嘯。

高陽臺

將由海道赴嶺南倚此留別同上之涼夜坐雨韻

翠阜凌霜。銀槎犯斗。吾行倏忽雲迢。苦竹嘒。不消說是無聊。怎能摘得眉梢翠。蘸些兒。滴向回潮。便相隨。月白天空。柁閣吹蕭。纔逢忽別。真無謂。竟堂堂斷送。水樣涼宵。一寸秋心。從今卷碎紅蕉。不知鏡閣梳完了。可銷凝。天際歸橈。請行休。木葉西風。滿目離騷。

金縷曲

奉題研秋丈寄雲詞草

斗大蠻城裏。問堪共清談。馬稍眼中。有幾忽訝驪龍飛入掌。令我難雄睥睨。頓敲折珊瑚如意。滿引葡萄歌一闋。恍扶搖。送向青天倚聽。廣樂洞庭起。十年落魄干戈際。卻贏得清商滿卷。長留天地無限。江山供跌宕。悽若斷猿秋唳。又怒蹴霜髮千里。安得蠻娘能解曲。撥銅箏坐唱。枕榔底枝上。鶻盡鷺徒。

前調

題研秋醉香詞鈔卷端

清裂蕤賓鐵。似斜日扁舟。江上數聲長笛。合是欠壺高一丈。冷貯嶮山春露。纔足稱當時濯筆。頓覺金荃猶俗豔。況豪辛膩柳。曾何屑。毳露錦好珍襲。鷄壇蚤歲知無敵。頻占斷敬亭雲樹。秣陵煙月何意。奚囊三寸許。也歷人天小劫。更安論江關蕭瑟。今日霓裳驚宛在。只羽陵僊蠹勞重剔。相對撫古銅狄。







小 草 庵 詩 鈔

屠 蘇 著

本館據滂喜齋叢  
書本排印初編各  
叢書僅有此本

# 原序

屠君元飲。余族姊壻也。性耆古。善鑒別古今人書畫。旁及几硯文翫之屬。好之必求其精。家故不貧。余自都門歸。始與君習。則君已蓬戶蕭然矣。然耆古之性。卒不以貧故改。賃屋不數椽。僅蔽風雨。余嘗造其廬。君所坐斗室。容一几。几上置一二善本書。丹黃爛然。手若未觸。雜英小草。隨意綴坐隅。偶事吟詠。獨標性真。不知門外有可奔走事。君之胸次可想已。癸丑冬。以疾卒。同年張君護航爲作小傳。余復錄其近體詩若干首付之梓。君之詩或可傳。而君之可傳不在詩也。年來余多病謝客。獨君數至。清談娓娓。或逕造余西圃。獨坐花竹間。不問主人而去。俯仰之間。已爲陳迹。讀君詩。抑又感慨係之矣。抱沖居士潘遵祁序。



# 小草庵詩鈔

清 屠 蘇元飲氏著

擬邱爲登城

天闊思無邊。長城一望連。春江飛錦浪。疎雨間晴煙。片席隨風挂。閒鷗挾水眠。廣陵不可接。剩有夢魂牽。

歸舟過鶯脰湖

春水漲桃花。春風未到家。柳陰遮艇暗。帆影貼波斜。漁網當村曬。炊煙隔岸賒。迢迢歸路遠。草色綠無涯。

歸燕

不信呢喃燕。言歸又及辰。已成秋日客。如別故鄉人。煙雨迷前路。關河重此身。何時珠箔外。依舊話情親。

別錢瀛溪

握手匆匆話。傷心事事非。重將孤子淚。一灑故人衣。海內誰知己。天涯又落暉。來時好風景。相對款柴扉。憶昨河梁別。飄零又一年。甘貧忘赤手。苦學守青氈。共有不平事。誰無未了緣。西風楊柳樹。相見益悽然。

白菊

得一真知己。蕭然迥出塵。月明窺色相。霜重健精神。不羨朱門貴。何妨白屋貧。從今甘守素。珍重歲寒身。

秋柳

一天涼影露初殘。莫把陽春錯雜彈。羌笛有聲清怨絕。隋堤無主晚風寒。望秋君叔先華髮。垂老淵明早掛冠。試問小蠻歌舞處。丰姿更屬阿誰看。

銀河

一角紅牆漏幾更。迢迢銀漢自縱橫。光連新月中天白。影落河山萬里清。雲母屏開秋欲曙。水晶簾捲夜無聲。此閒波浪尋常有。盼斷高樓淚點盈。

十月十二夜夢 先君子命題言志敬成二律

吾族衰微僅九丁。一年頓哭兩先人。忽忽骨肉拋何處。落落家園贖此身。几席追隨憐幼弟。衣裳補綴賴慈親。可堪今夜空孺慕。月影風聲總苦辛。

不先見容夢不成。新詩空寄淚縱橫。文章自願師前輩。堂構何堪託後生。豈爲窮通隨俗尙。好將冷暖看人情。重泉念念無消息。祇恐思兒慟失聲。

茗溪贈楊拙園先生

吳興名士鬢毵毵。今日親承笑口開。三世知交猶健在。百年鄉土暫歸來。余本吳興籍 壺傾美酒呼同飲。袖出新詩讀幾回。因憶江南何所贈。可人惟有一枝梅。

口占送吳澗羹

一聲杜宇思無邊。留住茗溪二月閒。堂上遙憐諸弟隔。天涯又送故人還。迢迢芳草煙中翠。樹樹殘花雨

後殷欲返家園猶未得。芒鞋重蹋道場山。

雨後宿鋤經草堂

寂寂孤眠百感興。漏長重起剔殘燈。聯牀北舍思兄弟。話雨西窗孰友朋。笛韻不堪風外聽。詩情會向枕邊增。未知昨夜思歸夢。落在家山第幾層。

病目口占

連朝病目謝塵緣。閉戶無聊擬坐禪。呼弟寫詩煩問字。嗔奴炊飯怕生煙。已虛衰子看花約。袁補甫家。婆羅盛開。不能赴。約。暫學陶公止酒篇。忽報客來驚夢醒。暗中摸索到堂前。

題袁又愷先生遺照

展開圖畫識袁絲。二十年前事已非。漁隱圃中懷獨往。太平廬內記相依。兩家生計今尤拙。四海知交近更稀。爲向黃公壚下過。秋風吹淚一沾衣。舊宅楓橋不忍論。移居輾轉傍齊門。一家淨業通仙佛。五硯遺風付子孫。蘭草幾時招隱士。梅花何處弔吟魂。卽今行客重相問。愁殺烏啼落月痕。

己丑端陽後一日同春生吳丈邀顧醉經陳拙安陶潤山諸丈小飲茅齋卽席賦此

昨朝端午候初更。今日黃梅細雨頻。感激忘年皆過我。蹉跎少歲不如人。易求濁酒千場醉。難得清言一味真。擬約虎邱山下去。龍舟幾見物華新。



每逢老友最情深。听夕何妨過往頻。居有半閒容住我。食無兼味喜留人。不多勸飲原從直。得少題詩但寫真。還說門前好風景。斂符艾虎鬪時新。

過凝碧亭贈顧子東雅

參天老樹勢難攀。凝碧亭前任往還。題壁有詩皆入畫。開窗無石不成山。春先送暖花香透。客爲來稀鳥語閒。亦欲移居嗟未得。一聲長嘯翠微閒。

佇顧東雅不至

斗室寂無侶。懷人詩思催。烹茶先乞火。沽酒且停杯。門外泥痕凍。天涯雪霽開。折梅欲相贈。明日又春來。

寒江

極目長江闊。蕭蕭正落楓。雁聲來遠櫓。雪影壓孤篷。寒浦三更月。涼波一片風。回頭垂釣處。蓑笠畫漁翁。

寒鐘

靜極忽然動。一聲何處鐘。到船驚客夢。近水應村舂。匝地月華冷。滿天霜色濃。塵心了無著。寒臥憶山容。

寒松

冬嶺朔風緊。孤松當壁撐。濤聲半天落。雪影一山明。翠合荒煙秀。寒凌古澗清。待看成老幹。矯矯玉龍驚。

寒鴉

數點夕陽外。一聲流水西。暝煙孤樹合。寒色半天迷。勁翻翻風動。殘雲壓陣低。忽聽歌樂府。恐是玉顏啼。

秋海棠

一角牆陰淡秋光到海棠。背人嬌欲語。著雨冷無香。有怨曾啼淚。憑誰說斷腸。留將好顏色。和粉助閨妝。

和彭葦閒先生聞蟬

秋入蟬聲靜。名園綠樹遮。古槐疎影落。衰柳暮煙斜。抱月聲逾潔。吟風鬢已華。舉家清欲絕。詩思渺天涯。

別陶丈潤山

未便從君去。高堂有老親。功名消妄想。詩酒乞閒身。行色一回顧。交情兩逼真。不知重聚首。幾易故園春。

與張硯孫翟小峯夜話贈硯孫

同調二三子。才名盡軼倫。草芽不成隱。風雅最宜貧。五字生涯足。一燈情話親。青衫憔悴極。奈爾苦吟身。

寄陶翔之

契闊平生友。艱難遠道書。夢驚千里外。春到百花初。此日傷蓬鬢。何年返敝廬。憐君有慈母。垂老倚門闕。我生常抱病。家事不關心。太息少知己。寂寥多苦吟。早眠孤夜月。久坐熟春禽。忽有雙魚至。良朋惠好音。與我猶兄弟。相知已有年。飄零今作客。南北各殊天。求友鶯初語。攀條柳又緜。忽驚蕭索久。春色阿誰邊。日日偷閒過。真如退院僧。早醒花下夢。虔禮佛前燈。有志多孤負。無求少愛憎。風塵倘相問。憔悴舊遊朋。

翔之和余寄懷詩疊韻奉答

消息斷三月。昨朝來尺書。夢驚相對久。情重不忘初。余亦客孤館。君應歸故廬。爲傳堂上意。衍慶望充闕。

徹夜不能寐。天涯共此心。雨中離索感。燈下短長吟。茅屋走飢鼠。風枝起宿禽。曉來翻倦極。愁絕爲知音。  
僻巷有誰過。結茅三十年。窮居布衣客。望斷白雲天。病久不思藥。夏寒猶著緜。平生感知己。一慟酒壚邊。  
謂黃堯  
圃先生

亦有慈親在。難容我作僧。家聲傳赤水。心事愧青燈。自古身爲累。于今世共憎。臨池深太息。何以慰良朋。

三次前韻寄翔之

略敘平生話。忙傳片紙書。故歡團扇盡。謂近事秋色海棠初。車馬喧人境。蓬蒿沒我廬。關心餬口計。豐歲祝田閭。共洒孤兒淚。常懸兩地心。近惟除痛飲。時復發狂吟。瘦比逢秋蝶。盟尋戲水禽。何人夜吹笛。長作別離音。

光陰容易過。別我忽三年。舊夢梧桐月。余曾取赤水公句  
意作梧桐月色圖新涼蟋蟀天。父書空滿篋。母綫又裝緜。一笑臨清鏡。霜華漸鬢邊。

斗室寂無侶。有懷蕭寺僧。滴愁眠聽雨。尋夢起挑燈。呵護鬼神賴。賤貧妻子憎。他年歸顧我。蓑笠接詩朋。

余館舅氏金粟草堂屢承黃丈穀原陶丈潤山張子硯孫枉顧喜賦

金粟堂前有客呼。主人開甕酒香初。相逢密友如鶯燕。慣味新詩當菜蔬。不俗自然書氣盎。率真轉要禮文疎。何年償足平生願。買定青山共結廬。

憶昔論交見老成。忘年與我倍情親。平生風義兼師友。第一傷心失此人。  
忽然憔悴減容姿。哭弟傷悲有幾時。地下相逢重握手。漫勞半載別離思。

### 哭季父

一病經春莫破除。舊時風貌竟何如。而今棲白齋中月。祇照縱橫滿架書。

### 同嚴丈守默中庭納涼

地僻幽人住。林高薄靄收。竹牀清夢破。紈扇故情留。月影不宜暑。蟲聲已近秋。爲因知己在。詩思徧腸搜。

### 辛丑寒食祭先慈靈几泣賦

垂死隆冬日。慈親藥勸嘗。春風留病骨。寒食泣高堂。麥飯遲荒壠。時未祭掃紙錢焚夕陽。孤兒門戶在。六口費

料量。

### 辛丑立夏日坐大石山房作此寄懷

牡丹花後草如茵。歷盡繁華是此身。拍手已無囊底物。知心只有鏡中人。語聞鶯燕關興廢。味到薑連耐

苦辛。時服薑連丸昨夜客窗燈影裏。聽風聽雨又傷春。閏三月十六日丑時立夏

### 癸卯移居詩寄覺公

忽離老屋去城東。慘澹經營兩月中。轉累親朋計薪米。自攜兒女入蒿蓬。茫茫浮世原無定。落落凡夫那

有空。佛經有覺無空凡夫法有空無覺三乘法寄語平生方外友。愁人何處不途窮。

奉和小浮山人見寄原韻

春風結得菊花緣。看到形神更兩全。猶有吟情詩感遇。本無俗慮夢通玄。余攜菊過蔓舍而主人已先夢見之矣。仙人綰服

同三徑。來詩有亦有和羹自味玄之句。處士幽居又□年。已報平安千里信。晚香留與祝堂前。客臘相國因失足脫二齒至是復健。

孤芳真有出塵緣。歷盡冰霜色相全。勿藥待除愁裏病。與花先論箇中玄。好同綵勝簪新歲。應笑黃楊厄

閏年。報我草庵詩夢醒。春光來自故人前。余白題所居小草庵而山人已于乙巳歲暮夢中得小草庵詩草五字。

丁未中秋口占

爐香裊裊燭光微。不愛宵行早掩扉。閒對豆花棚上月。全家商略辦寒衣。

扣門已斷索逋人。適館勞勞不救貧。今日生徒逢放學。醉鄉便算自家身。

光陰不用嘆蹉跎。六口一家忙裏過。但願團圓無缺陷。殘衫破帽拜嫦娥。

處境雖窮興尙賒。一瓶新供木犀花。小兒只想燒香斗。利市來年祝阿爺。

山陰單玉輝有兩雛鶴平種瑤許轉乞爲贈喜賦

閒雲早護竹筵籬。待鶴飛來定幾時。一笑家人能會意。窺廚昨已減晨炊。

累磚聚土傍牆陰。思結新巢力代任。常日米鹽謀瑣屑。尙多幽事苦相尋。

我是良媒有舊因。記會相見未相親。更煩招得胸山侶。要換稱呼鶴主人。玉輝從胸山攜來四雛鶴平處峯太守得其二已介余轉贈小

浮山人因有句云合署頭銜號鶴媒小浮詩來亦有元飲作塞修性本近邱壑之句其二巖峯令弟種瑤許余乞之

兒女時時笑倚欄。漫勞望眼向雲端。風流敢比林和靖。一樣清深作子看。  
十年門戶強撐持。適館勞勞鬢欲絲。未免旁人嗤好事。典衣又要鶴糧資。

魏序伯陸侶松於  
庵外俱畫鶴焉  
餘於丙午年顏所居曰小草庵。諸同人各圖一幀。黃穀原文贊。

有山自昔試飛鳴。恰此牛眠早卜成。倘欲重尋舊行跡。百年應到故人塋。  
近爲亡婦謀葬。并築生壙。在白鶴山。土人云此山舊有白鶴飛鳴故名。今得地於斯。而兩雛將至。何巧合乃爾。豈昔所飛鳴者。卽此兩雛耶。

僦居窮巷儼深山。剝啄聲稀晝掩關。寄語仙禽休笑我。并無長物屋三間。

戊申除夜倚窗玩鶴喜賦八詩贈之

日日梳翎得意鳴。能教人各喜歡生。爲渠一歲晨炊減。盡室從無交謫聲。  
階除得食舞迴旋。骨相清癯劇可憐。昨夜杯盤設家祭。也來傍我立堂前。  
一雙兒女太癡獸。時大兒在南武清唳聞時笑語陪。我自無錢分壓祟。要煩呵護不祥來。

爆竹聲聲鬧比鄰。奔波纔了得相親。一燈請看籬門外。多少艱難度歲人。

迎新送舊逼殘更。記別胸山千里行。越翁來書有此鶴甫從恐觸今宵同類感。哀鴻無限望鄉情。  
時蘇江

北災

先取椒花頌好春。願偕添算健精神。倘能杯酒相酬酢。我作主人君作賓。

瘦影相依祇老梅。不嫌冷巷久徘徊。明朝啓戶迎新喜。或有浮邱一相來。  
風風雨雨夜沉沉。毛羽飄零寄慨深。正擬祭詩同賈島。聽吟也費一年心。

己酉初春柬小浮山人

了了年荒景。寄懷詩與歌。江湖歸雁少。風月閉門多。不寐夜偏永。乍晴春已和。憐余思去鶴。飲啄比如何。  
鶴病

無端消瘦一身輕。簾外頻呼總懶行。莫忘主人珍重意。相逢與爾共平生。

賣鶴門前近。卻無敢希心。賞鳳池俱鳳池八鶴其六俱買於門首惜已化去今新買二雛較矯健笑余館穀生涯薄。力不能招第二雛。

病鶴復健

十日春寒竟絕聲。護持加意得重生。柴門別有窮居樂。兒女皆知鶴性情。  
小溪昨向客窗過。道比平時飲啄多。便欲從渠乞利市。今年勿藥愈沉疴。

己酉夏日小草庵納涼看鶴

放學歸來趁晚涼。滿庭花草鬪生香。一痕落日鉤簾下。團坐家人算鶴糧。

奉和仙根先生苦雨二首

一雨又三日。逼人愁萬端。園林春覺靜。簾幙晝生寒。聚市米增價。當門水上灘。何時洗兵甲。滄海慶安瀾。  
繞屋迷煙霧。隔牆啼鶉鴉。雨聲頻雪霰。蠶事尙模糊。入夏寒猶重。況余病未蘇。有誰憐甲子。物色到泥塗。

失鶴

光陰將見一冬徂。門徑蕭然薤草蕪。添種梅花偏失鶴。人生缺陷不能無。

初冬病起

病起蕭然簡送迎。偶牽詩思下階行。日翻鴉陣薄無色。月挂雁羣寒有聲。菊徑人來雙影瘦。柴門天愛一冬晴。典衣買得江湖集。展對前賢見性情。

謝潘順之惠米

正嘆年荒覓食難。柴門風景又冬殘。多君續我炊煙斷。晨鉢還分鶴一餐。適館勞勞支里西。昨歸日已傍簷低。家人何事忙廚下。爲配香杭作菜齋。

己酉十一月廿八日葬亡婦于白鶴山麓感賦

白鶴山頭兩度行。此來窀穸告謀成。一抔論值原無幾。猶是而家兄弟情。八年權厝佛堂虛。新闢孤塋地有餘。我自今朝築生壙。幾時料理一椽居。身世艱難況歲凶。更添離恨逼殘冬。九原不作人生計。誰與梁鴻廡下春。窮年辛苦了無成。還要匡扶累友生。未免被人指荒壟。幾株松檟缺經營。

梅影軒圖爲黃飲魚表兄作

憔悴青衫直到今。梅花林下少知音。飛來太白樓頭月。照著平生感舊情。太白樓令祖墓園先生舊藏書處也。



歲暮書懷

得閒逢解館。併力辦過年。潦倒悲雙鬢。棲遲借一椽。未通梅信息。已斷鶴因緣。又抱維摩病。春風几案前。

庚戌暮春感懷

起來小立傍窗西。病後心情懶似嵇。翠羽啼殘花塢靜。綠蘿陰蓋草堂低。喜占豐歲新嘗麥。寒戀良朋舊贈綈。笑我尙懸思鶴夢。不知何處得安棲。

貫酒圖爲太倉顧少桓賦

風帘搖影漫勾留。未辦閒錢挂杖頭。絕勝當年杜陵叟。春衣典盡曲江遊。平生未了尋常債。一斗千文久自拚。那怕叩門無剝啄。醉鄉如入洞庭寬。北風催雪暮雲凝。客館歸來飲興增。笑我村醪賒不得。一間茅屋冷於冰。

雨霽坐小草庵遣興

一杯苦茗一鑪香。獨坐茅齋引興長。近水欲尋鷗伴侶。種梅曾與鶴商量。暮雲帶溼陰沉黑。落日催寒影弄黃。相見歡呼田父樂。村村打稻趁晴忙。

秋燈寒夜製棉衣圖爲楊元絜賦

阿孃辛苦記分明。彷彿猶聞刀尺聲。多少泉魚今夜淚。秋風吹上舊燈檠。

江波叔得一紅龜屬顧子長圖之索賦是詩

一色殷紅腹甲開。天工人巧不須猜。世間自有黃安壽。分與硃砂服食來。  
研朱殺粉情輕描。別後長康筆更超。何物商量爲伴侶。西山玄鶴待君招。

潘順之新葺繭園賦此爲贈並柬功甫補之

小置園亭寄興賒。翛然林下住全家。徧通曲折皆如意。雖費經營了不華。  
一壑煙雲新供養。數椽風月舊生涯。逢人笑指欄干外。添種寒梅已著花。

傍池一曲小橋橫。疊石編籬點綴精。照水疏花供晚景。過牆修竹倚寒晴。  
羨君機靜觀魚戲。笑我緣慳領鶴行。最合船庵清賞意。擘箋日日報詩成。繭園新葺時功甫曾一過之後又閉門不出數寄詩順之殊爲戀戀

如翻畫稿起南田。布置從容近半年。綠蔭最宜當檻樹。清流何異在山泉。  
要尋五柳琴書樂。重話三松邱壑緣。早晚春明有歸夢。倦飛亭外雁行聯。園中有亭曰倦飛

我自誅茅願未酬。寄人籬下度春秋。商量久作尋巢燕。飄泊真如泛水鷗。  
三徑每教歸步過。一壺還勸醉鄉遊。閉門倘著山居稿。何限風光筆底收。

和小浮山人韻

竹林結社伴吟哦。真率壺觴憶屢過。親串推移同輩少。家門成就別才多。  
尙留遺簡勤披讀。合謝徵車永寤歌。笑我寄籬雙鬢短。夜窗燈火影鬢髭。

叔美姨丈命題從母遺墨因追賦輓章以代跋語不計工拙也

畫稿叢殘壘滿箱。離鸞人悵墨池荒。醒來紅豆樓前夢。一曲相思淚幾行。  
橋李風流憶舊時。兼傳家學虎頭癡。從母幼承外祖湘筠顧公庭訓又傳其舅無端天奪生花筆。一代丹青女畫師。

花朝

今朝窗戶煖。春色二分加。但願衆香國。多開長命花。倒樽澆綠蟻。翦紙曳紅霞。絕勝笙歌處。蜂房報午衙。

納涼

林間陣陣好風過。吹息殘燈夜若何。照見全家團坐影。一間矮屋月明多。

七夕

了無瓜果設前庭。兒女歡承有性靈。我自年年生計拙。負他乞巧拜雙星。

八月十八日洪子簡暨令嗣東伯昆季邀同董夢蘭游虎邱遇雨

布鞵青鞋詩裏朋。白公堤上曲欄憑。不聞古木蟬聲唱。但憶空山虎氣騰。花市樓臺雲外幔。畫船簫鼓雨中燈。傾盆滂沱卻歸途。興又恐明朝米價增。

寄潯陽故人

昔年賓至盛門閭。今日蕭條感索居。疾病況逢多難後。賤貧重憶定交初。將枯修竹節猶勁。耐冷名花香特疏。贏得鏡中人一笑。尚餘豪氣未全除。

潦倒彌驚兩鬢殘。壯懷銷盡興闌珊。飢來驅我陶元亮。熱不因人梁伯鸞。閱世且安蓬戶陋。論交只有布衣難。笠簷蓑袂年年夢。擬付生涯一釣竿。

過三家村善慶禪院呈嵩光上人

荒郊萬籟寂沉沉。滿目蒼涼秋又深。健隼雲飛盤作路。暮鴉風擁錯投林。紅塵身世覺殘夢。黃草人家生夕陰。鐘磬一聲禪院近。我來方外覓知音。

病中潘順之以秋花見惠賦此奉謝

幾枝洗盡俗塵埃。看到柴門倦眼開。疎影恰宜描瘦骨。捲簾還望月明來。兼旬臥病酒杯疎。靜對鑪香嬾讀書。添箇茅堂秋意思。惜無粉本寫幽居。

盆梅二首爲顧仲安作

荷鋤曾向月明時。妙手移栽大邑瓷。杜句大邑瓷盆輕且堅儘改形容偏倔強。總須骨幹自撐持。煙霞滋味長毋忘。冰雪文章短更宜。今日吾廬添寂寞。嫩寒何處寄相思。余向植名花不下三四十盆老梅亦有數本嗣因不能家居恐失灌溉盡以遺人今憶及之曷禁慨然

白玉堂前次第開。原唱有句云顧祝玉堂春畫永能令几案淨浮埃。總承雨露滋培久。不受冰霜磨折來。處士幽居愜心賞。仙人縞服稱身裁。吟成合寄司花鶴。聊免詩逋帶笑催。

史忠正公手書楹帖爲周子頤貽芬作

淋漓垂大筆。舒卷動光芒。信國難扶宋。平原已殉唐。長箋雲散彩。正氣墨分行。回首梅花嶺。春風字字香。

送春

昨宵風雨打衡茅。無那春光欲我拋。去住總憐鶯費語。商量不定燕辭巢。於今好夢留花底。終古離情掛柳梢。太息窮途時物換。未曾櫻筍薦盤肴。

茶煙一榻鬢毛蒼。海樣閒愁詎可量。我已醉拚今日酒。人如忙過少年場。无常蹤跡看飛絮。未了因緣證夕陽。自古繁華易銷歇。烏衣王謝問諸郎。

同顧子長大昌楊元絜白過藕花庵和元絜韻

同舟訪僧去。效唾卽詩成。謂元日暖梅應熟。風狂帽屢傾。鶴緣通有夢。松影墮無聲。曬藥治方者。睽違歲月更。時覺阿上人養病此庵。

黃丈同叔壽鳳五十初度索詩

同立程門尙少年。各驚顏狀到華顛。兩家生計吾還拙。一種清名世已傳。大小篆師秦漢上。古今詩法宋元前。得閒偶抱維摩病。勿藥長逢酪酏天。

春波亭畔是儂家圖爲王韞齋題

亭爲唐時驛亭在織里橋西。

君家住近石巖橋。往事分題歲月遙。閒倚春波舊亭榭。綠楊陰裏話前朝。

敵廬昔在烏程里。今日憑誰問有無。觸我平生思舊感。模糊認是輯村圖。余世居烏程之輯里先大父嘗作輯村圖卷子少歲猶及見之。

不知何時失  
去思之愴然。

藕花香裏填詞圖

一曲烏絲絕妙詞。藕花初放水平池。誰能得似張三影。月曉風清寫意時。  
不驚魚戲蕩扁舟。唱徧新腔一笛秋。笑說年年春意鬧。尙書紅杏未風流。